



Broj: 02-11-1961/20  
Datum: 17.07.2020.godine

Na osnovu Program poticaja privrede na području Općine Zavidovići za 2020. godinu broj: 02-11-1132/20 od 08.04.2020. godine i 10.06.2020.godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), Općinski načelnik Zavidovići raspisuje

**JAVNI POZIV**  
**PODUZETNICIMA/PODUZETNICAMA ZA DODJELU POTICAJA PRIVREDE NA**  
**PODRUČJU OPĆINE ZAVIDOVIĆI ZA 2020. GODINU – KOMPONENTA II**  
**PROGRAM REDOVNIH POTICAJA PRIVREDI**

Ovaj javni poziv se odnosi isključivo na mikro, male i srednje subjekte male privrede koji se prema članu 4. stav (1) tačka a), b) i c) Zakona o poticanju male privrede („Službene novine Zeničko-dobojskog kantona“, broj: 7/16), a u zavisnosti od mjere na koju se prijavljuju. Subjeksi male privrede se definišu na slijedeći način:

a) mikro subjeksi male privrede su fizička i pravna lica koja zapošljavaju prosječno godišnje devet i manje lica i čiji je ukupni godišnji prihod i/ili čiji je ukupni bilans stanja manji od 3.900.000,00 konvertibilnih maraka,

b) mali subjeksi male privrede su fizička i pravna lica koja zapošljavaju prosječno godišnje od 10 do 49 lica i čiji je ukupni godišnji prihod i/ili čiji je ukupni godišnji bilans stanja manji od 19.500.000,00 konvertibilnih maraka i

c) srednji subjeksi male privrede su fizička i pravna lica koja zapošljavaju prosječno godišnje od 50 do 250 lica i čiji je ukupni godišnji prihod manji od 97.500.000,00 konvertibilnih maraka i/ili čiji je ukupni godišnji bilans stanja manji od 84.000.000,00 konvertibilnih maraka

Poticaji se dodjeljuju kroz 5 mjera:

- 1. Subvencioniranje troškova obuke novozaposlenih pri prvom zaposlenju za poslove u proizvodnim djelatnostima**
- 2. Subvencioniranje unapređenja poslovanja**
- 3. Subvencioniranje kamatne stope za poduzetničke kredite**
- 4. Razvoj ženskog poduzetništva**
- 5. Subvencioniranje dijela troškova zakupa poslovnog prostora na području općine Zavidovići**

Općina Zavidovići, Ulica Safvet-bega Bašagića broj 9, 72220 Zavidovići  
Telefon: 032/206-780 info, fax: 032/206-706, [www.zavidovici.ba](http://www.zavidovici.ba), [opcina.zavidovici@zavidovici.ba](mailto:opcina.zavidovici@zavidovici.ba), [opzdici@bih.net.ba](mailto:opzdici@bih.net.ba).

**Mikro i mali subjekti male privrede imaju pravo prijave za svaku poticajnu mjeru, dok srednji subjekti male privrede imaju pravo prijave za poticajne mjere 2 i 3.**

<b>Mjera 6.1</b>	<b>Subvencioniranje troškova obuke novozaposlenih pri prvom zaposlenju za poslove u proizvodnim djelatnostima</b>
<b>Ciljevi</b>	Poticanje novog zapošljavanja i kreiranja novih radnih mjesta
<b>Nosilac</b>	Općina Zavidovići, Služba za upravu ekonomskih poslova i poduzetništva
<b>Korisnici</b>	Mikro i mali subjekti male privrede definisani članom 4. stav (1), tačka a) i b) Zakona o poticanju razvoja male privrede („Službene novine Zeničko-dobojskog kantona“, broj: 7/2016), koji su u cijelosti u privatnom vlasništvu, sa sjedištem na području općine Zavidovići.
<b>Provođenje</b>	Subvencioniranjem troškova obuke novozaposlenih pri prvom zaposlenju za poslove u proizvodnim djelatnostima, omogućava se poslodavcima koji imaju potrebu za novim zapošljavanjem, da koriste radnu snagu koja se nalazi na Birou za zapošljavanje, a koja nema potrebno radno iskustvo. Takođe, ova mjera će jačati konkurentnost na tržištu rada i povećati kompetencije radne snage. Iznos poticaja <b>po jednom novozaposlenom u 2020.godini</b> iznosi 100,00 KM mjesečno do kraja 2020. godine, a najviše 3.000,00 KM po poslovnom subjektu, bez obzira na broj zaposlenih.
<b>Izuzeće</b>	Subvencioniranje troškova obuke novozaposlenih pri prvom zaposlenju za poslove u proizvodnim djelatnostima se neće vršiti za zapošljavanje osoba starijih od 35 godina.

<b>Mjera 6.2</b>	<b>Subvencioniranje unaprjeđenja poslovanja</b>
<b>Ciljevi</b>	Poticanje konkurentnosti proizvoda i usluga, razvojnog istraživanja te unaprjeđenja tehnoloških postupaka u svrhu zaštite okoliša, proširenja ponude, poboljšanja kvalitete i uspješnosti, novog zapošljavanja i očuvanja radnih mjesta
<b>Nosilac</b>	Općina Zavidovići, Služba za upravu ekonomskih poslova i poduzetništva
<b>Korisnici</b>	Mikro, mali i srednji subjekti male privrede definisani članom 4. stav (1), tačka a), b) i c) Zakona o poticanju razvoja male privrede („Službene novine Zeničko-dobojskog kantona“, broj: 7/2016), koji su u cijelosti u privatnom vlasništvu, sa sjedištem na području općine Zavidovići.
<b>Provođenje</b>	Subvencija nabavke opreme, mašina i alata, inventara i radovi na uređenju poslovnog prostora koji povećavaju kvalitet i vrijednost (izgradnja novih kapaciteta i investiciono održavanje), te izradu web stranice i vizualnog identiteta subjekta u visini od <b>25% troškova nastalih od 01.08.2019.godine</b> , a najviše 2.000,00 KM po zahtjevu..
<b>Izuzeće</b>	Troškovi za kupovinu vozila, najma poslovnog prostora, sitnog alata i inventara, repromaterijala , troškovi osnivanja odnosno registracije i osnivački kapital za privredna društva neće se priznati.

<b>Mjera 6.3</b>	<b>Subvencioniranje kamatne stope za poduzetničke kredite</b>
<b>Ciljevi</b>	Cilj je financiranje programa razvoja poduzetništva i mikro i malih preduzeća po povoljnijim uvjetima, očuvanje poslovanja, zadržavanje postojećih i otvaranje novih radnih mjesta subjekata male privrede, posebno u uslovima nedovoljnog privrednog rasta.
<b>Nosilac</b>	Općina Zavidovići, Služba za upravu ekonomskih poslova i poduzetništva
<b>Korisnici</b>	Mikro, mali i srednji subjekti male privrede definisani članom 4. stav (1), tačka a), b) i c) Zakona o poticanju razvoja male privrede („Službene novine Zeničko-dobojskog kantona“, broj: 7/2016), koji su u cijelosti u privatnom vlasništvu, sa sjedištem na području općine Zavidovići.
<b>Provođenje</b>	Subvencija kamatne stope <b>za kredite uzete od 01.08.2019. godine</b> do 3% za poduzetničke kredite, a najviše do iznosa od 5.000,00 KM na godišnjem nivou.

<b>Mjera 6.4</b>	<b>Razvoj ženskog poduzetništva</b>
<b>Ciljevi</b>	Promocija ženskog poduzetništva, ekonomsko osnaživanje žena uključivanjem u poduzetničku aktivnost
<b>Nosilac</b>	Općina Zavidovići, Služba za upravljanje ekonomskih poslova i poduzetništva
<b>Korisnici</b>	Mikro i mali subjekti male privrede definisani članom 4. stav (1), tačka a) i b) Zakona o poticanju razvoja male privrede („Službene novine Zeničko-dobojskog kantona“, broj: 7/2016), koji su u cijelosti u privatnom vlasništvu i čiji su vlasnici žene poduzetnice, sa sjedištem na području općine Zavidovići
<b>Provođenje</b>	Ulaganje u projekte ženskog poduzetništva sa svrhom tehnološkog unaprjeđenja poslovanja: sufinansiranje nabavke opreme, alata i inventara, sufinansiranje uređenja poslovnog prostora/radionice, sufinansiranje nabavke informatičke opreme i poslovnog softvera, u visini od <b>40% troškova nastalih od 01.08.2019.godine</b> , odnosno, potpora može iznositi najviše 2.000,00 KM po zahtjevu.
<b>Izuzeće</b>	Troškovi za kupovinu vozila, najma poslovnog prostora, sitnog alata i inventara, repromaterijala, troškovi osnivanja odnosno registracije i osnivački kapital za privredna društva neće se priznati.

<b>Mjera 6.5</b>	<b>Subvencioniranje dijela troškova zakupa poslovnog prostora na području općine Zavidovići</b>
<b>Ciljevi</b>	Jačanje konkurentnosti i održivosti novoosnovanih privrednih subjekata
<b>Nosilac</b>	Općina Zavidovići, Služba za upravljanje ekonomskih poslova i poduzetništva
<b>Korisnici</b>	Mikro i mali subjekti male privrede definisani članom 4. stav (1), tačka a) i b) Zakona o poticanju razvoja male privrede („Službene novine Zeničko-dobojskog kantona“, broj: 7/2016), koji su u cijelosti u privatnom vlasništvu, sa sjedištem na području općine Zavidovići i registrovanim u toku 2019. i 2020. godine.
<b>Provođenje</b>	Subvencioniranje dijela troškova zakupa poslovnog prostora fizičkim i pravnim licima <b>nastalih u 2020. godini</b> , a <b>koji su registrovani u 2019. i 2020. godini</b> kako bi se prevazišle početne teškoće u poslovanju i umanjili početni troškovi poslovanja, u visini od 30% troškova zakupa, odnosno, podrška može iznositi najviše 600,00 KM po zahtjevu, na godišnjem nivou.

#### PLANIRANA RASPODJELA SREDSTAVA

<b>PLANIRANO PROGRAMOM ZA 2020. GODINU</b>	<b>TRANSFER ZA POTICAJ ZAPOSŁJAVANJA I RAZVOJA PRIVREDE</b>	<b>50.000,00</b>
Mjera 1	Subvencioniranje troškova obuke novozaposlenih pri prvom zaposlenju za poslove u proizvodnim djelatnostima	5.000,00
Mjera 2	Subvencioniranje unaprjeđenja poslovanja	15.000,00
Mjera 3	Subvencioniranje kamatne stope za poduzetničke kredite	15.000,00
Mjera 4	Razvoj ženskog poduzetništva	10.000,00
Mjera 5	Subvencioniranje dijela troškova zakupa poslovnog prostora na području općine Zavidovići	5.000,00
	<b>UKUPNO:</b>	<b>50.000,00</b>

## **POSTUPAK PODNOŠENJA ZAHTJEVA**

Prijava se podnosi na propisanom obrascu aplikacionom obrascu za svaku mjeru posebno, sa navedenom pratećom dokumentacijom.

Obrazac se može preuzeti putem web stranice [www.zavidovici.ba](http://www.zavidovici.ba) ili na info šalteru Općine Zavidovići.

Ovaj Javni poziv objavljuje se na web stranici Općine Zavidovići: [www.zavidovici.ba](http://www.zavidovici.ba) i Oglasnoj ploči Općine Zavidovići.

Obrasce zahtjeva za dodjelu poticaja te predmetni Javni poziv moguće je preuzeti u Općini Zavidovići, Služba za upravu ekonomskih poslova i poduzetništva, te na web stranici Općine Zavidovići, [www.zavidovici.ba](http://www.zavidovici.ba). Ostale informacije mogu se zatražiti na telefonskom broju 032/ 206-749.

Zahtjev za dodjelu poticaja sa potrebnom dokumentacijom dostavlja se na pisarnicu Općine Zavidovići, lično ili poštom na adresu:

**OPĆINA ZAVIDOVIĆI**  
**Komisija za ocjenu zahtjeva za dodjelu poticaja za razvoj**  
**poduzetništva u općini Zavidovići – Mjera broj: \_\_\_\_**  
**Ul. S.B. Bašagića br.1**  
**72220 Zavidovići**

**Poziv ostaje otvoren 60 dana, odnosno do 15.09.2020. godine u 15.30.**

Korisnici poticaja u trenutku podnošenja Zahtjeva za dodjelu poticaja ne smiju imati nepodmirenih dospjelih dugovanja prema Općini Zavidovići. Sredstva za mjere 6.2, 6.3 i 6.4 po ovom Javnom pozivu dodjeljuju se isključivo za troškove sa datumom fakture ili druge tražene dokazne dokumentacije (za pravdanje troškova) nakon 01.08.2019. godine, osim ukoliko svakom pojedinom mjerom ovog Javnog poziva nije određeno drugačije. Svi troškovi koji su predmet zahtjeva za poticaj moraju biti plaćeni do momenta apliciranja na poticaj.

Općinski načelnik, po ukazanoj potrebi i iz objektivnih razloga, a prije svega u slučaju da se na određenim stavkama ne utroše planirana sredstva, može izvršiti preraspodjelu sredstava prema utvrđenim pozicijama raspodjele sredstava, odnosno preusmjeriti neutrošena sredstva za dodatnu realizaciju ostalih mjera definisanih ovim pozivom.

U slučaju da za određenu mjeru pristigne veći broj prijava, tako da se ni putem preraspodjele sredstava ne može osigurati iznos koji je određen za poticaj, poticajna sredstva će se dijeliti srazmjerno u odnosu na pristigle prijave.

Prilikom realizacije sredstava, dodjele poticaja, mjere 2 i 3 prednost pri dodjeli poticajnih sredstava u punom iznosu imaju mikro i mali subjekti male privrede u odnosu na srednje subjekte male privrede, što znači da će se prvo dodjeljivati poticaji mikro i malim subjektima u punom iznosu odnosno srazmjerno pristiglim prijavama, a ostatak srednjim subjektima male privrede.

Svaki privredni subjekt može izvršiti prijavu poticaja za najviše dvije definisane mjere.

Kao dokaz o nabavljenoj robi, radovima ili usluzi neće se priznavati računi ili ugovori nastali između povezanih društava, definisanih Zakonom o privrednim društvima Federacije Bosne i Hercegovine.

U slučaju ponovljenog javnog poziva zbog neutroška sredstava predviđenih Transferom za poticaj zapošljavanja i razvoja privrede, privredni subjekti kojima je odobren poticaj za dvije mjere za 2020. godinu nemaju pravo ponovo aplicirati za dodjelu poticaja, dok privredni subjekti kojima je odobren poticaj za jednu mjeru za 2020. godinu mogu izvršiti prijavu za jednu od mjera po kojoj im nije odobren poticaj.

Privredni subjekti koji su korisnici poticaja putem Transfera za razvoj poljoprivrede po modelu Podrška za kupovinu poljoprivredne mehanizacije, uređaja ili opreme ne mogu biti korisnici poticaja iz mjere 2 i 4 za istu stvar.

Komisija za ocjenu zahtjeva za dodjelu poticaja za razvoj poduzetništva u općini Zavidovići (dalje u tekstu: Komisija) može zatražiti i dodatnu dokumentaciju, koju su korisnici poticaja dužni dostaviti u naznačenom roku, jer će se u protivnom takav zahtjev smatrati nepotpunim. Ako se prijave podnose na više mjera, svaka prijava mora imati potpunu dokumentaciju. Nepotpune prijave neće se razmatrati.

Sredstva poticaja uplaćuju se na žiro račun korisnika po dostavljanju zahtjevanih dokaza navedenih u obrascima za prijavu poticaja, a sve u roku od 90 dana od donošenja akta o dodjeli poticaja za razvoj poduzetništva u općini Zavidovići od strane Općinskog načelnika Zavidovići, osim ako pojedinom mjerom nije određen drugi rok plaćanja.

Komisija koju imenuje Općinski načelnik razmatra Zahtjeve za dodjelu poticaja, te cijeni ispunjenost uslova i kriterija za odobravanje sredstava. Izvještaj, sa prijedlogom dodjele poticaja, Komisija dostavlja Općinskom načelniku Zavidovići, koji donosi Odluku o dodjeli poticaja za razvoj poduzetništva u općini Zavidovići. Odluka će biti objavljena na web stranici i oglasnoj ploči Općine Zavidovići.

Svaki poduzetnik kojem se isplati poticaj u skladu sa ovim Javnim pozivom postaje primatelj državne pomoći male vrijednosti u skladu sa članom 2. Zakona o sistemu državne pomoći („Službeni glasnik Bosne i Hercegovine“, broj: 10/12), te je u obavezi prilikom predaje zahtjeva predati ispunjen, potpisan i ovjeren obrazac pod nazivom Izjava o primljenoj državnoj pomoći male vrijednosti.

U skladu sa Zakonom o slobodi pristupa informacijama (Sl. novine FBiH, broj: 32/01 i 48/11), Općina Zavidovići kao tijelo javne vlasti, obavezno je, radi upoznavanja javnosti, omogućiti pristup informacijama o svom radu pravovremenom objavom na internetskim stranicama ili u javnom glasilu. U cilju zakonom utvrđene svrhe i u interesu javnosti, Općina Zavidovići objavljuje sve donesene akte na službenoj internetskoj stranici i u službenom glasniku Općine Zavidovići. Shodno navedenom, smatraće se da je poduzetnik, podnošenjem Zahtjeva za poticaj koji sadrži njegove lične podatke, na ovaj Javni poziv, uz tražene priloge, dao dozvolu za njihovo prikupljanje, obradu i korištenje istih javnom objavom na internetskim stranicama i u službenom glasniku Općine Zavidovići, a u svrhu radi koje su prikupljeni.

OPĆINSKI NAČELNIK

mr sci Hašim Mujanović